



大事記解題卷八

宋 東 萊 呂 祖 謙

伯

撰

撰

秦二世元年郎中令

解題曰按前漢百官表郎中令秦官掌宮殿掖門戶

臣瓚曰主郎內諸官故曰郎中令括蒼鮑氏曰郎與廊同按戰國策榻下先左見魏王趨出至郎門而反所謂郎門即廊之門也又按戰國策段產謂秦新城君曰今臣處郎中能無讓君子王而不能使人無讓臣與君然則秦昭王之時已有郎中之名其職蓋已親近矣 屬官有大夫郎謁者

皆秦官大夫掌議論有太中大夫中大夫皆無員多

大事記解題卷八

至數十人郎掌守門戶出充車騎有議郎中郎侍郎

郎中皆無員多至千人

後漢志凡郎官皆主更直執戟宿衛諸殿門出充車騎唯

議郎不在直中按戰國策荆軻逐秦王諸郎中執兵皆殿下非有詔不得上又按滑稽傳優旃呼陛稱郎然則執戟宿衛蓋秦制也 中郎有五官左右三將秩皆比二千石

後漢志五官中郎將一人主五官郎五官中郎比六百石五官侍郎比四百石五官郎中比三百石左中郎將主左署郎府次五官中郎比一百石侍郎比四百石郎中比三百石右中郎將主右署郎中比六百石侍郎比四百石郎中 所謂三署五官署左右署也

所謂三郎中郎侍郎郎中也二世以罪過連逮少近

官三郎無得立者卽謂此也

史記索隱曰三卽謂中郎外郎及散郎按孝惠

帝詔曰中郎卽中滿六歲爵三級四歲一級外郎滿六歲二級蘇林曰中郎省中郎也外郎散郎也是散

郎卽外郎不當分爲二

尊始皇帝廟

解題曰二世下詔令羣臣議尊皇帝廟羣臣皆頓首

言曰古者天子七廟諸侯五大夫三雖萬世不軼毀

今始皇爲極廟四海之內皆獻貢職增犧牲禮咸備

毋以加先王廟或在西雍或在咸陽天子儀當獨奉

大事記解題

卷八

二

酌祠始皇廟自襄公已下軼毀所置凡七廟羣臣以

禮進祠以尊始皇廟爲帝者祖廟

東行郡縣

解題曰按本紀二世與趙高謀曰朕年少卽位黔

首未集附光帝巡行郡縣以示疆威服海內今晏然

不巡行卽見弱毋以臣畜天下春二世東行郡縣餘

見通鑑

更爲法律

解題曰以秦法爲疎更密之也

公主

解題曰如淳曰公羊傳曰天子嫁女於諸侯必使諸

侯同姓者主之故謂之公主

漢百官表皇后公主所食曰邑如淳曰帝姊妹

曰長公主諸侯女曰翁主顏師古曰天子不親主婚故謂之公主諸王即自主婚故謂之翁主翁者父也

言父主其婚也亦曰王主言王自主其婚也

復作阿房宮

解題曰按本紀二世還至咸陽曰先帝爲咸陽朝廷

大事記解題 卷八

三

小故營阿房宮爲堂室未就會上崩罷其作者復土

酈上

史記正義曰謂出土爲陵既成還復其土故云復土

酈山事大畢令釋阿

房宮弗就則是章先帝舉事過也夫爲人臣子而章

其君父之過非所以事先帝也於是復作阿房宮外

撫四夷如始皇計盡徵其材土

史記正義曰謂材官駁張之士

五萬

人爲屯衛咸陽

滅衛廢其君爲庶人

解題曰衛姬姓自康叔受封

史記正義曰康畿內國名也宋忠云康叔從康

從衛

至君角凡四十世按前漢地理志衛地營室東壁

之分野也今之東郡及魏郡黎陽河內之野王朝歌

皆衛分也衛本國既爲狄所滅文公徙封楚邱三十

餘年子成公徙於帝邱今之濮陽是也成公後十餘

世爲韓魏所侵盡正其旁邑獨有濮陽後秦滅濮陽

置東郡徙之於野王

今懷州

始皇既并天下猶獨置衛

君二世時乃廢爲庶人凡九百年最後絕故獨爲分

野衛地有桑閒濮上之阻男女亦亟聚會聲色生焉

大事記解題

卷八

四

故俗稱鄭衛之音周末有子路夏育民人慕之故其

俗剛武上氣力其失頗奢靡嫁娶送死過度而野王

好氣任俠有濮上風

秋七月發閭左戍卒陳勝起兵於蕘據陳自立爲楚

王諸郡縣皆殺其長吏以應楚

咸陽

解題曰按晁錯傳秦時北攻胡貉築塞河上南攻揚

粵置戍卒焉夫胡貉之地積陰之處也木皮三寸冰

厚六尺食肉而飲酪其人密理烏獸羸毛其性能寒

楊粵之地少陰多陽其人疏理烏獸希毛其性能暑
秦之戍卒不能其水土戍者死於邊輸者償於道秦
民見行如往棄市因以謫發之名曰謫戍先發更有
謫及贅壻買人後以嘗有市籍者又後以大父母父
母嘗有市籍者後入閭取其左應劭曰秦先發更有過及贅壻買人後以嘗有市籍者又後以大父母父母嘗有市籍者又後以大父母父母嘗有市籍者又後以大父母父母嘗有市籍者又後以大父母父母嘗有市籍者

大事記解題

卷八

五

烈及已也陳勝行戍至于大澤爲天下唱先天下從

勝少時嘗與人傭耕輟耕之壟上悵然甚久日苟富貴無相忘傭者笑而應曰若爲傭耕何富貴也勝太息曰燕雀安知鴻鵠之志哉二世召博士諸儒生問曰楚戍卒

攻斬入陳於公何如秦焚書坑儒之後大博士諸生

三十餘人前曰人臣無將將卽反罪死無赦願陛下
急發擊之二世怒作色叔孫通前曰諸生言皆非也

夫天下合爲一家毀郡縣城鏢其兵以示天下不復
用且明主在其上法令具於下使人人奉職四方輻

韓安敢有反者此特羣盜鼠竊狗盜耳何足置之齒
牙間郡守尉今捕論何足憂二世喜曰善盡問諸生
諸生或言反或言盜於是二世令御史按諸生言反
者下吏非所宜言諸言盜者皆罷之乃賜叔孫通金
拜爲博士是時發閭左戍咸陽陳勝吳廣皆爲屯長
會天雨失期法當斬乃謀舉事召徒屬爲壇而盟自
立爲將軍攻蕘下之復入據陳耳餘上謁涉見之大
喜耳因請兵畧趙地至諸縣說其豪傑曰秦爲無道
使天下父子不相聊今陳王奮臂爲天下倡莫不嚮
應縣殺其令丞郡殺其守尉於此時而不成封侯之
業者非人豪也豪傑皆然其言餘見通鑑

楚周文將兵數十萬人函谷關軍於戲秦大赦使少府
章邯將酈山徒擊之周文敗走出關軍曹陽

解題曰周文

本記作周章

嘗爲項燕軍視日事春申君陳

王與之將軍印西擊行收兵至關卒數十萬至戲軍

焉

孟康曰戲水名也蘇林曰在新豐東南三十里顏師古曰其水本出監田北界橫嶺至此而凡流入

大事記解題

卷八

渭史記正義曰括地志云戲水源出雍州新豐縣西
南驪山今新豐縣東北十一里戲水當官道即其處

戲許秦合少府章邯免酈山徒人奴產子
顏師古曰

生奴也今人云家悉發以擊楚周文敗走出關止次曹陽晉灼

日在宏農東十三里史記正義曰晉灼曰曹陽亭名
在宏農東魏武帝改曰好陽括地志云在陳州桃林

縣餘見通鑑

武臣自立為趙王

解題曰張耳陳餘聞周章軍入關開至戲却又怨陳王

不用其策不以為將而以為校尉乃說武臣自立

大事記解題

卷八

九月沛人劉邦起兵於沛

解題曰沛父老殺沛令開城門迎劉季欲以為沛令

劉季曰天下方擾諸侯並起合置將不善一敗塗地

吾非敢自愛恐能薄不能完父兄弟此大事願更

相推擇可者蕭曹等皆文吏自愛恐事不就後秦種

族其家盡讓劉季乃立季為沛公漢書音義曰舊楚

公陳涉為楚王沛公起借稱王其縣宰為旗幟皆赤徐廣曰高祖以蕭

何為丞督事何給泗水卒史事第一秦御史監郡者

欲入言傲何何固請得毋行然則秦監

御史亦如漢刺史時入京師奏事也餘見通鑑沛者本秦泗水郡之屬

縣豐者沛之聚邑今爲徐州沛縣

豐卽豐縣也

下相人項梁起兵於吳

解題曰項梁嘗有櫟陽逮捕乃請蕲獄掾曹咎書抵

櫟陽獄掾司馬次以故事得已

秦法雖峻然吏之避關通請求自若也

仇吳中每吳中有大繇役及喪項梁嘗爲主辦陰以兵法部勒賓客及子弟以是知其能旣斬會稽守部署吳中豪傑爲校尉候司馬有一人不得用自言於

大事記解題

卷八

八

梁梁曰前時某喪使公主某事不能辦以此不任用兵衆乃皆服餘見通鑑下相屬漢臨淮郡

楚立周市爲魏王市不受

解題曰按月表二世元年九月魏王咎始咎在陳不得歸國二年十二月陳涉死咎自陳歸立蓋周市據魏虛位四月以待咎也

番陽令吳芮聞越東越

解題曰按漢書本傳芮秦之番陽令也甚得江湖間

民心號曰番君天下之初叛秦也黥布歸芮芮妻之
因率越人舉兵以應諸侯東越傳云諸侯叛秦聞越
王無諸越東海王搖卒越歸鄱陽令吳芮從諸侯滅
秦

龍川令趙佗據南海郡

解題曰按本傳佗真定人秦用爲南海龍川令南海
尉任囂病且死名佗語曰聞陳勝等作亂番禺可以
立國卽被佗書行南海尉事囂死佗卽移檄告橫浦

大事記解題

卷八

九

一陽山湟谿關曰

徐廣曰在桂陽通四會也

盜兵且至急絕道聚兵

自守因稍以法誅秦所置長吏以其黨爲假守龍川

今循州龍川縣

秦二世皇帝二年從李斯請行督責

解題曰死不陳氏曰盜賊蜂起四方瓦解而三公方
且爲固爵祿之計大臣重爵祿天下可亡也

趙李良弒其王來降

解題曰按張耳傳秦將詐稱二世遣李良書不封曰

良嘗事我得顯幸良誠能反趙爲秦赦良罪貴良然則二世之近臣欲爲諸侯用者多矣

楚莊賈弑陳勝

解題曰諸侯之起半歲矣至是周文敗陳勝吳廣武平君兵皆不振時章邯已破伍徐擊陳柱國房君死章邯又進兵擊陳西張賀軍陳王山監戰軍破張賀死陳王之汝陰還至下城父其御莊賈殺以降秦魏王咎爲其民約降約定自燒殺

大事記解題

卷八

解題曰周市之義魏咎之死君臣皆可觀矣延平陳氏曰咎活其民而自死其死足取也

大霖雨三月

解題曰按月表天大雨三月不見星漢書本紀曰大霖雨七月至九月

楚項梁請齊共擊章邯田榮不許

解題曰此項氏與田榮有隙之始也

用趙高計居禁中不見大臣

解題曰按本紀趙高說二世曰天子稱朕固不聞聲
二世之可愚弄至此此沙邱之謀所以樂得其爲君
也

馮去疾李斯馮劫屬吏

解題曰李斯上書言趙高之短二世已前信趙高恐

李斯殺之乃私告趙高

二世恐李斯殺趙高漢申屠嘉悔不斬晁錯蓋秦漢之相

權重

李斯卽就獄仰天而歎曰凡古聖王飲食有節

車器有數宮室有度出令造事加費而無益於民利

大事記解題

卷八

十一

者禁故能長久治安今行逆於昆弟不顧其咎侵殺
忠臣不思其殃大爲宮室厚賦天下不愛其費三者
已行天下不聽今反者已有天下之半矣而心尙未
寤也而以趙高爲佐吾見必尅至咸陽麋鹿遊於朝
也斯獄中之歎乃疇昔聞於荀卿者間何闕乎然當
時猶有李斯盡忠胡亥極刑之語特趙高之惡旣甚
故斯反見稱耳便斯民至思李斯豈不甚可憐哉餘

見通鑑

殺三川守李由

解題曰三川守重地也故以丞相子守之

漢魏相守河南太守

丞相車秋子為雒陽武庫令父死自免去大將軍霍光責相曰幼主新立以為函谷京師之固武庫精兵所聚故以丞相弟為關都尉子為武庫令亦此意也

由當土崩之時吳廣圍

之而不能下與羣雄轉戰經年然後不支雖以親任

亦以才舉也始皇雖暴其控制四海亦有術矣既失

其本故末不足恃耳

夏侯嬰傳破李由軍雍邸以兵車趣攻戰疾破之從擊章邯軍

東阿以兵車趣攻戰疾破之又擊秦軍雒陽東以兵車趣攻戰此楚漢之際用車略可見者也

大事記解題

卷八

三

李斯具五刑夷三族

解題曰頽瀆蘇氏曰始皇以詐力兼天下志得意滿

諱聞過失李斯燔詩書頌功德以成其氣至其晚節

不可告語君老太子在外履危亂之機而莫敢以一

言合其父子之親者雖始皇之暴非斯養之不至此

也及其事二世知趙高之奸復媮合取容使高勢已

成天下已亂乃欲力諫不亦晚乎至於國破家威非

不幸也

以趙高爲中丞相

解題曰高官者故以爲中丞相

殺博士正先

解題曰按漢書京房傳昔附於趙高用事有正先者非刺高而死高威自此成故秦之亂正先趣之孟康曰姓正名先秦博士也今載於殺李斯之後

九月章邯大破楚軍定陶殺項梁

解題曰此秦再振諸侯再衰之時也本根旣蹶雖形

大事記解題

卷八

三

有起伏兵有利鈍亦何關於大勢哉史記正義云今

曹州定陶縣

彭城

解題曰今徐州彭城縣

後九月

解題曰文顯曰卽閏九月也時律厯廢不知閏謂之後九月顏師古曰文說非也若以律厯廢不知閏者則當徑謂之十月不應有後九月蓋秦之憲法應置

閔者總致之於歲末觀其此意當取左傳所謂歸餘於終耳何以明之據漢書表及史記漢末改秦厯之前迄至高后文帝屢書後九月是知故然非厯廢也章邯擊趙大破之圍趙王鉅鹿

解題曰按本紀章邯使王離涉間圍鉅鹿章邯軍其

南築甬道而輸之粟應劭曰恐敵抄輜重故築牆垣如街巷也史記正義云括地志

云鉅鹿飛州平鄉縣城餘見通鑑

宋義

大事記解題 卷八

解題曰按荀悅漢紀項梁輕秦故楚令尹宋義諫梁

不聽然則懷置宋義為元帥者非特喜其知兵亦以

楚之耆舊大臣故尊任親倚之也史記漢書不載義嘗為楚令尹荀氏

所據必楚漢春秋諸書也

秦二世皇帝三年冬十二月項籍為諸侯上將軍

解題曰救趙諸侯也

趙陳餘亡居南皮

解題曰章邯圍解陳餘與張耳初相見即棄將印亡

去當載於此月表所以八月書趙王歇畱國陳餘亡
居南皮特欲見二人俱不從楚入關故并書耳非餘
至八月始亡也南皮今滄州南皮縣

棘原

解題曰史記正義曰張晏云在漳河晉灼云在鉅鹿
南按南鉅鹿城在漳水之南

章邯請益兵趙高不許

解題曰趙高用事於中雖章邯力戰於外終不免爲

大事記解題

卷八

五

高所殺此長史欣之所以恐而還走陳餘因而誘之
使降也

誅趙高夷其三族

解題曰二世見絀秦之危如累卵矣子嬰以有限之
日月獨能長念却慮父子作權近取於戶牖之間竟
誅猾臣爲君討賊高死之後賓婚未得盡相勞餐未
及下咽酒未及濡唇楚兵已屠關中真人翔霸上河
決不可復壅魚爛不可復全吾讀秦紀至於子嬰車

裂趙高未嘗不健其決憐其志嬰死之義備矣

楚義帝元年冬十月劉邦至霸上秦王子嬰降

解題曰按本紀子嬰為秦王四十六日楚將沛公至

霸上

顏師古曰霸水上故曰霸上應劭曰霸上在長安東二十里古曰滋水秦穆公更名霸即霸頭

使人納降子嬰即奉天子璽符節

通典曰秦以印稱璽以玉

不通臣下用制乘輿六璽曰皇帝行璽皇帝之璽皇帝信璽天子行璽天子之璽天子信璽又始皇得藍

田白玉為璽螭虎鈕文曰受命於天既壽永昌史記正義曰漢官儀云子嬰上始皇藍田玉璽因服御之

代代傳授號云漢傳國璽說文云符漢制以竹長六寸分而相合釋名云節毛上下相重取象於行節

大事記解題

卷八

六

降軹道旁

蘇林曰軹亭名在長安東三十里

秦嬴姓帝顛頊之苗裔

柏翳

即伯益

之後周孝王封非子為附庸邑之秦周平

王封襄公為諸侯自襄公至子嬰凡三十四世按前

漢地里志秦地東井輿鬼之分壘也其界自宏農故

關以西京兆扶風馮翊北地上郡西河安定天水隴

西南有巴蜀廣漢犍為武都西有金城武威張掖酒

泉燉煌又西南有牂柯越嶲益州皆宜屬焉於禹貢

時跨雍梁二州詩風兼秦幽兩國昔后稷封邰公劉

處幽大王徙邾文王作酈武王治鎬其民有先王之遺風好稼穡務本業故幽詩言農桑衣食之本甚備

焉當山東諸侯之亂也陵人秦嘉立景駒爲楚王

文顯

日楚族景氏駒名也

在畱沛公往從之道得張良遂與俱見楚

王景駒請兵攻豐二月攻碭拔之三月擊豐不下聞項梁兵衆往請擊豐四月項梁益沛公卒攻豐拔之雍齒奔魏六月沛公如薛共立楚懷王七月沛公從項梁救田榮東阿章邯敗沛公項羽追北破秦軍濮

大事記解題

卷八

七

陽東屠城陽八月沛公與項羽西略地斬三川守李由於雍邱九月沛公項羽方攻陳畱聞項梁死還軍從懷王軍於碭後九月懷王以沛公爲碭郡長封武安侯遣沛公西入關自碭至陽城與杠里

陽城屬汝南郡攻

秦軍壁破其二軍三年十月沛公攻破東郡尉於成武十二月沛公引兵至栗二月沛公從碭北攻昌邑遇彭越越助攻昌邑未下過高陽用酈食其說襲陳畱拔之二月攻開封未拔與秦將楊熊

伍被謂淮南王安曰大將

軍材能非直章耶揚熊然則揚熊亦秦之名將與戰白馬破之四月南攻潁

川屠之因張良遂略韓地時趙別將司馬卬方欲渡

河入關沛公乃北攻平陰絕河津南戰雒陽東軍不

利從轅轅瓚曰險道名也在緜氏東南至陽城六月與南陽守齟

戰犇東大破之南陽守走保城守宛沛公圍宛七月

南陽守降張良傳云沛公之從雒陽南出轅轅良引兵從沛公下韓十餘城擊破楊熊軍沛公

乃令韓王成畱守陽翟與良俱南攻下宛沛公既定南陽至丹水還攻胡

陽章昭曰南陽縣遇番君別將梅鋗與偕攻析索隱曰析屬宏農郡

大事記解題 卷八

大

屬南陽左傳云析一名白羽析今鄧州內鄉縣屬金內鄉縣菊潭鎮皆降所過無得

南掠此高帝王業之始也范增曰沛公居山東時貪財好色遣魏人寧昌使秦

八月沛公攻武關入秦應劭曰武關秦南關通南陽文穎曰武關在析西南七十

里索隱曰左傳云楚司馬起營析以臨上雒謂晉人日將通於少習杜預以為商縣武關也今屬商州商

縣秦相趙高恐乃殺二世使人來欲約分王關中沛

公不許九月秦王子嬰誅滅趙高遣將將兵距嶢關

李奇曰在上洛北藍田南武關之西沛公引兵繞嶢關踰黃山擊秦軍

史記世家曰沛公欲以兵二萬人擊秦峽下軍良說日秦兵尚未可輕臣聞其將屠者子賈監易動以利

願沛公且雷壁使人先行爲五萬人具食益爲張旗
幟諸山上爲疑兵令酈食其持重寶啗秦將秦將欲
連和良曰不如因其解擊之前輩謂此事不類子房
平日所爲然年表載子房封侯功狀口言上張旗幟

秦王恐降則漢人以爲大功也 大破之藍田南遂至藍田又戰其北

秦兵大敗 曹參世家日前攻秦軍藍田南又夜擊其北秦軍大破遂至咸陽 漢元年

冬十月沛公至霸上 在長安東 秦王子嬰降軹道旁

在長安東 遂西入咸陽還軍霸上此高帝自起沛至

入關所歷也

項籍將諸侯兵四十餘萬

大事記解題 卷八

解題曰諸侯兵從項羽入關其可見者楚桂國共敖

趙相張耳趙將司馬卬齊將田都 都叛田榮從項羽 故齊王

建孫田安 安下濟北從項羽救趙 燕將臧荼 從楚救趙因從入關 瑕邱公

申陽番君吳芮魏王豹韓王成 月表書從項羽略入關 若秦之

降卒則司馬欣將之爲鄉導不在四十萬之數

長安

解題曰史記正義曰在洛州澠池縣東今屬河南府

鴻門

解題曰史記正義曰姚察云鴻門今新豐古城東未
至戲水道南有斷原南北洞開卽是也

懷王曰如約

解題曰義帝初爲項梁所立特從民望耳梁名爲臣
實則君也章邯旣擊殺梁遂以爲楚不足慮雖楚國
之衆亦皆惴恐不知死所矣帝乃并呂臣項羽軍以
收主權自盱台進都彭城以張國勢置宋義諸將之
上而不敢不服拒項羽入關之請而不敢不從至於

大事記解題

卷八

三

獨遣沛公扶義而西則所見又有大者焉可謂天下
之英主矣不幸宋義得志而驕爲項羽所乘羽旣得
志存鉅鹿降章邯擁諸侯四十萬之衆入咸陽威震
天下帝塊然寄坐雖庸人亦數日而知亡矣及羽使
人致命使漢獻唐昭處之必低首下心惟羽是徇帝
不懾不屈報之曰如約帝豈不知羽之不從哉正其
義而已矣此正主天下之約者也死生禍福帝如彼

何哉

項籍爲天下主命徙義帝江南都彬分楚爲四自立爲
西楚霸王封楚將英布爲九江王楚共敖爲臨江王番
君吳芮爲衡山王分秦爲四封沛公劉邦爲漢王遷之
漢中封秦降將章邯爲雍王司馬欣爲塞王董翳爲翟
王三分關中以距漢分齊爲三徙齊王田市爲膠東王
封齊將田都爲齊王田安爲濟北王分趙爲二徙趙王
趙歇爲代王封趙相張耳爲常山王分燕爲二徙燕王
韓廣爲遼東王封燕將臧荼爲燕王分魏爲二徙魏王
豹爲西魏王封趙將司馬卬爲殷王分韓爲二韓王成
如其故封楚將申陽爲河南王

大事記解題 卷八

五

解題曰項羽王梁楚地九郡都彭城

所謂梁楚地九郡者徙義帝於

彬徙魏王於平陽而奪之也義帝稱楚故項羽稱西楚孟康曰舊名江陵爲南楚吳爲東楚彭城爲西楚或咎羽不從韓生之計殊不知天時不如地利地利不如人和以羽之暴雖王關中無益也 英布

王九江都六

按本傳項籍破秦軍降章邯等楚兵常勝功冠諸侯諸侯兵皆服屬楚者以布

數以少敗衆也項籍之引兵西至新安又使布等夜擊阬章邯秦卒二十餘萬人至咸陽史記正義云九先從間道破關下軍遂得入至咸陽史記正義云九江以九江故因名郡六城在壽州安禮縣南本六國

偃姓臯陶之後所封也臯布亦臯陶之後共敖王臨江都江陵孟康曰木南郡改爲

臨江國顏師古曰卽今之荊州江陵縣吳芮王衡山都文潁曰縣名屬江夏史記

正義括地志云故郟城在黃州黃岡縣東南春秋時郟國沛公王巴蜀漢中四十

一縣都南鄭今爲興元府南鄭縣酈道元水經注云者舊傳云南鄭之號始於鄭桓公師古

日卽今之梁州南鄭縣章邯爲雍王都廢丘孟昭曰縣名今魏里是也韋昭曰周

時名太邱懿王所都秦欲廢之故爲廢邱司馬欣爲塞王都櫟陽韋昭曰在長安

東桃林塞師古曰取河華之固爲阨塞耳非桃林也櫟陽卽今之櫟陽縣董翳爲翟王都

高奴文潁曰上郡秦所置項羽以董翳爲翟王更名爲翟索隱曰按今鄜州有高奴城括地志云延

大事記解題 卷八

三

州州城卽徙齊王田市爲膠東王徐廣曰都卽墨括地志云卽墨故地

在萊川膠水縣南六十里田都爲齊王都臨菑括地志云一名齊城古營邱之地

立耳爲常山王都襄國地里志云故邢侯國也項羽改曰襄國韓廣爲

遼東王徐廣曰都無終項羽爲天下主因而分封諸王也

歸漢

解題曰按漢書本紀良以明年冬十月至漢

西楚奪衡山王吳芮地

解題曰按本紀高帝詔故衡山王吳芮與子二人兄

子一人從百粵之兵誅諸侯誅暴秦有大功諸侯立
以爲王項羽侵奪之地謂之番君今附見於西楚廢
殺韓王成之後

漢王以韓信爲大將

解題曰致堂胡氏曰智謀之士急於求用非如抱道
蓄德之君子舍之則藏也陳平所謂臣爲事來言不
可過今日是也韓信才士爾稽畱漢中見王未有以
處之則思去而他適無足怪者蕭何旣深知其人可

大事記解題

卷八

三

以爭天下誠惜其去身自追亡非特爲信乃爲漢王
也方是時王未奇信則罵何爲詐亦理之常而或者
之論乃謂漢王與何欲致信死固示不用之端激之
使亡又爲此追求喜怒之態然後用信信必返而爲
漢效力是殆見漢王軒輊英布而生此論耳夫漢王
恢廓大度何又稱人傑豈固爲是區區小數以動一
信哉漢王待布固不當爾然布旣南面稱孤不如是
不足以折其威而收其心信事項羽官不過郎中位

不過執戟言不聽計不用而來非布比也或者謂信
既爲漢王蕭何所述作史者亦復不悟至編於伊川
先生諸語中殆門人勦入之非先生語也臨川王氏
曰韓信論楚漢形勢大抵漢能順民心而楚常失之
則勝負存亡居然可見此信所以能佐高祖致天下
也當楚漢之際策士至多然其智計不過規取一城
一邑見小利而遺大略信所論乃天下形勢而已唯
大形勢爲繫天下之勝負存亡取一城一邑見小利

大事記解題

卷八

十四

者何能致天下

留蕭何漢中

解題曰按世家漢王引兵東定三秦何以丞相留收

巴蜀鎮撫諭告使給軍食

歐陽文忠公許遜行狀曰
興元角山河堰溉民田四

萬餘頃世傳蕭何所爲鄠侯方佐
漢取天下乃暇爲此以溉其農

陳倉

解題曰今鳳翔府寶雞縣

遼東王韓廣不肯徙國燕王城茶弑之

解題曰茶所事也

漢高皇帝二年
西楚霸王二年冬十月漢王如陝

解題曰延平陳氏曰漢王如陝鎮撫關外父老其德漸東矣

城陽

解題曰今濮州臨濮縣

二月西楚復立故齊王田假爲齊王

解題曰榮所逐者也

大事記解題

卷八

五

漢置縣鄉三老

解題曰按漢書本紀舉民年五十以上有修行能師衆爲善置以爲三老鄉一人擇鄉三老一人爲縣三老與縣令丞尉以事相教復勿繇戍以十月賜酒肉三老秦法也厚其恩禮而責以教化高祖蕭何之規模也

置河內郡

解題曰漢王降申陽而置河南郡降魏豹而得河東

郡虜司馬卬而置河內郡三河之地皆爲漢有矣故告諸侯之辭所以有悉發關中兵收三河士之語也

古帝王皆都三河漢始因秦都關中故東方朔曰漢興去三河之地都涇渭之南

楚陳平降漢

解題曰司馬卬爲漢所虜而項羽反遷怒擊卬有功之人其暗如此楚則有功者見譴漢則無功而見知此二國興亡之決也

漢王率五諸侯兵五十六萬人伐楚入彭城

大事記解題

卷八

三

解題曰漢伐楚項王聞之自以精兵三萬人南從魯出胡陵四月漢已入彭城收其寶貨美人日置酒高會項王晨擊漢軍至日中大破之殺漢卒十餘萬人又追擊至靈壁東睢水上爲楚所擠睢水爲之不流按漢爲義帝發喪率諸侯以伐楚此高帝初取天下之規模也及彭城旣敗之後規模改矣致堂胡氏曰漢王置酒高會宴安不虞父執妻虜漢業之覆在頃刻間使兢兢業業如初入關中見羽鴻門則亦何至

於敗哉狂於小勝逸欲生焉是以至此可爲監也
齊田橫定三齊

解題曰項羽之救彭城追漢王田橫亦得收齊

漢王下馬踞鞍問張良

解題曰按世家漢王乃遣隨何說九江王布而使人
連彭越及魏王豹反使韓信將兵擊之因舉燕伐齊
趙然卒破楚者此三人力也張良多病未嘗特將也
嘗爲畫策臣時時從漢王餘見通鑑

大事記解題

卷八

五

漢王屯滎陽

解題曰按本紀漢王屯滎陽蕭何發關中老弱未傳

者悉詣軍

孟康曰古者二十而傳三年耕有一年儲
故二十三而後役之如淳曰律年二十三

傳之疇官各從其受疇學之高不滿六赤二十以下
爲罷隆漢儀注云民年二十三爲正一歲爲衛士二

歲爲材官騎士習射御騎馳戰陳又曰年五十六衰
老乃得免爲庶民就田里今老弱未嘗傳者皆發之
未二十三爲弱過五十六爲老師古
日傳著也言著名籍給公家徭役也韓信亦收兵與

漢王會兵復大振

與楚戰滎陽南京索間破之

解題曰楚以故不能過滎陽而西京故城在鄭州滎陽縣東史記正義曰京縣有大索城楚漢戰滎陽京索間卽此三城耳

漢築甬道取敖倉粟

解題曰秦建敖倉於成臯

太康地志

敖地名在滎陽西

北山上臨河有大倉

孟康注

酈食其曰敖倉天下轉輸

久矣聞其下乃有藏粟甚多滎陽成臯控南北之衝故秦積粟於此通典曰巨橋盈而殷喪成臯溢而秦

大事記解題

卷八

天

七

合太子守櫟陽諸王子在關中者皆集櫟陽爲衛

解題曰以太子監國以諸侯子爲衛而丞相兼總居畱之任規模如此誰謂蕭何爲刀筆吏乎

雍王章邯自殺

解題曰周文數十萬之兵至戲下二世倉皇失措非章邯則束手就亡矣所以猶能岨彊兩歲皆邯力也高祖自漢中東出司馬欣董翳望風稽顙獨邯堅守

廢邱攻之踰年不下至於引水灌之然後破此其脆
敵哉情其不知所事身名俱滅嚴尤之于王莽徐道
覆之於盧循皆一律也

漢置河上渭南中地隴西北地上郡

解題曰服虔曰河上卽左馮翊也渭南京兆也中地
右扶風也

漢王屯成臯

解題曰陳平曰項王爲人恭敬廉節者歸之今王慢

大事記解題

卷八

五

而少禮廉節者不來然大王能饒人以爵邑士之頑
鈍嗜利無恥者亦多歸漢誠各去其兩短襲其兩長
天下指麾則定矣然大王資侮人不能得廉節之士
顧楚亦可亂者彼項王骨鯁之臣亞父鍾離昧龍且
周殷之屬不過數人耳大王誠能出指數萬斤金行
反間間其君臣以疑其心餘見通鑑延平陳氏曰陳
平更以惡具以進楚使歸具以報項王項王果大疑
亞夫項王之使飲食之人也不然則陳平之間豈難

見哉

漢丞相蕭何遣昆弟子孫從軍

解題曰按蕭相國世家漢三年漢王與項羽距京索之間上數使使勞苦丞相鮑生謂丞相曰王暴衣露蓋數使使勞苦君者有疑君心也爲君計莫若遣君子孫昆弟能勝兵者悉詣軍所上必益信君於是何從其計漢王大說漢與君臣之際於此可觀矣

五月漢畱周苛榮陽遁入關

大事記解題

卷八

辛

解題曰按漢本紀紀信誑楚乘王車黃屋左纛

李斐曰天

子車以黃纛爲蓋裏纛毛羽幢也在乘輿車衛左方上注云蔡邕曰以犂牛尾爲之如斗或在駢頭或在衡此戰國以王王者之制也太史公高帝贊曰朝以十月車服黃屋左纛言當時所用後遂爲漢定制也

餘見通鑑

秋七月臨江王共敖薨子尉嗣

解題曰月表尉作驩

九月西楚霸王擊彭城

解題曰按本傳項羽擊陳畱外黃不下數日降羽悉

合男子年十五以上詣城東欲阬之外黃舍人見
年十三往說羽曰彭越彊劫外黃外黃恐此且降待
大王大王至又皆阬之百姓豈有所歸心哉從此以
東梁地十餘城皆恐莫肯下矣羽然其言乃赦外黃
當阬者而東至睢陽聞之皆爭下

漢高皇帝四年西楚霸王四年

高密

解題曰今密州高密縣

大事記解題

卷八

三

汜水

解題曰顏師古曰臣瓚以汜水在成臯城東此說得
之音祀高帝卽位於汜水之陽此水在濟陰音敷劍
反

漢王復取成臯與西楚霸王皆軍廣武

解題曰按本紀楚漢久相持未決丁壯苦軍旅老弱
罷轉輸餘見通鑑孟康曰於滎陽築兩城而相對名
爲廣武城在敖倉西三皇山上括地志云東廣武西

廣武在鄭州滎陽縣西二十里西征記云東廣武西廣武各在一山頭相去百步泚水從廣澗中東南流今澗無水城各有三面

見史記正義

澼水

解題曰顏師古曰澼水出琅邪北經縣東北經臺昌入海史記正義曰括地志云澼水今俗謂百尺水在密州高密縣卽漢韓信夾澼水戰處

田橫奔彭越

大事記解題

卷八

三

解題曰田橫亡走梁歸彭越彭越是時居梁地中立且爲漢且爲楚

漢初爲算賦

解題曰如淳曰漢儀注民年十五以上至五十六出賦錢人百二十爲一算爲治庫兵車馬

北貂燕人致梟騎助漢

解題曰顏師古曰貉在東北方三韓之屬皆貉類也軍士死者吏爲棺斂

解題曰高帝八年復下是合

漢以周昌爲御史大夫

解題曰代其從兄苛也昌爲人彊力敢直言自蕭曹等皆卑下之

西楚與漢約中分天下以鴻溝爲界

解題曰史記正義曰應劭云在滎陽東南二十里文潁曰於滎陽下引河東南爲鴻溝以通宋鄭陳蔡曹衛與濟汝淮泗會於楚卽今官渡水也張華云大梁

大事記解題

卷八

三

城在浚儀縣此縣西北渠水東經此城南又北屈分爲二渠其一渠東南流始皇鑿引河水以灌大梁謂之鴻溝楚漢會此處也其一渠東經陽武縣南爲官渡水按張華此說是

西楚歸太公呂后

解題曰事在通鑑延平陳氏曰待其少助食盡然後遣侯生得其時矣

大事記解題卷八終

大事記解題卷九

宋 東 萊 呂 祖 謙 伯 恭 撰

漢太祖高皇帝五年冬十月王追西楚項籍至固陵

解題曰晉灼曰卽固始也顏師古曰本名寢邱楚合

尹孫叔敖所封地今屬光州

十二月王與諸侯兵大破西楚於垓下

解題曰垓下屬沛郡汝縣按史記本紀高祖與諸侯

兵共擊楚軍與項羽決勝垓下淮陰侯將三十萬自

大事記解題

卷九

當之孔將軍居左費將軍居右

史記正義曰孔將軍
蓼侯孔熙費將軍費

侯陳
賀也

皇帝在後絳侯柴將軍在皇帝後項羽之卒可

十萬淮陰先合不利却孔將軍費將軍縱楚兵不利

淮陰侯復乘之大敗垓下

漢書全
削此段

此陣卽馬隆所謂

魯公不識者也陣者兵之末羽以不仁失天下亦不

在一戰利鈍之間然羽少學兵法略知其意卽不肯

學負其雄才高氣而無沉深縝密之度其病卒見於

此時是故驚大而忽小者君子懼焉

項籍走死東城楚地悉定

解題曰東城今濠州定遠縣烏江縣本秦東城縣之烏江亭今屬和州

封項伯等四人爲列侯賜姓劉氏

解題曰四人皆有力於劉氏者也

按年表射陽侯劉總項伯也以破項

羽嘗有功封平臯侯劉它項它也功比戴侯彭祖彭祖以爲太公僕封然則項它亦豈在楚嘗保護太公乎桃侯劉襄項襄也以客從漢封共一人不見史記云封項氏四人爲射陽侯平臯侯桃侯元武侯也

賜姓始於此成都范氏

祖禹

曰古者天子建國賜姓

大事記解題

卷九

二

命氏姓氏所以別其族類之所出也自三代之衰稱
姓者或以國或以族或以地或以官子孫各本於其
祖不可改也後世非其親者附之屬籍或加于盜賊
夷狄以逆族異類爲同宗然則古之賜姓者別之後
賜姓者亂之也夫惟天親不可以人爲而強欲同之
豈循理者乎上瀆其姓下忘其祖非先王之制不可
爲後世法也

故項籍臣稱其主名者盡拜爲大夫鄭君不從逐之

解題曰按鄭當時傳其先鄭君嘗事項籍籍死而屬漢高祖合諸故項籍臣名籍鄭君獨不奉詔詔盡拜名籍者爲大夫而逐鄭君鄭君死孝文時高帝之怨項羽可謂甚矣惡其姓而使其宗族改之賤其名而迫其故臣稱之雖恢廓大度及困厄不可消釋褊忿乃如此然則天資豈可恃哉

王還至定陶

解題曰漢二年漢王自下邑稍收士卒軍碭西至虞

大事記解題

卷九

三

遣隨何說九江王布叛楚五月屯滎陽兵復大振與

楚戰滎陽南破之六月漢王還櫟陽秋八月漢王復

如滎陽九月韓信虜魏王豹三年冬十月韓信滅趙

下燕十一月黥布從隨何說起兵攻楚爲楚所敗十

二月布閒行歸漢漢王與陳平黃金四萬斤閒楚君

臣四月范增辭楚歸疽發背死五月紀信誑楚漢王

閒出滎陽至成臯入函谷關轅生說漢王出武關令

楚所備者多漢王出軍宛葉閒項羽果引兵南漢王

堅壁不戰是月彭越擊楚下邳羽乃使終公守成臯
而自東擊彭越漢王引兵北擊破終公復軍成臯六
月羽已破走彭越聞漢復軍成臯乃引兵西拔滎陽
城烹周苛遂圍成臯漢王逃出成臯玉門北渡河宿
小修武馳入張耳韓信壁奪其軍遣韓信擊齊楚遂
拔成臯欲西漢使兵距之鞏令其不得西八月漢王
引兵臨河南鄉軍小修武使彭越劉賈燒楚積聚彭
越下梁地十七城九月項羽留曹咎守成臯自擊彭

大事記解題

卷九

四

越漢王欲捐成臯以東屯鞏洛以距楚酈生曰楚人

拔滎陽不堅守敖倉乃引而東令適卒分守成臯願

急復進兵收取滎陽據敖倉之粟案成臯之險史記正義

曰卽汜水縣杜太行之道史記正義曰太行山名在懷州河內縣北二十五里

澤州之南羊距蜚狐之口臣瓚曰飛狐在代郡西南師古曰瓚說是史記正義

曰按蔚州飛狐縣北五十里有秦漢故郡城西南有山俗號飛狐口也今爲河東蔚州飛狐縣守

白馬之津戰國策張儀曰決白馬之口以流魏氏高誘曰白馬津名水經注云河過黎陽縣南

爲白馬津石勒號爲靈昌津唐滑州黎陽津卽此也今屬滑州白馬縣本衛之曹邑也以示諸

侯形制之勢乃復謀取敖倉四年十月漢擊殺曹咎
司馬欣於汜水漢王引兵渡河復取成臯軍廣武就
敖倉食項羽還相守廣武伏弩射中漢王漢王入成
臯韓信擊殺龍且於濰水遂滅齊漢王疾愈西入關
留櫟陽四日復如廣武項羽少助食盡與漢約中分
天下九月楚解而東歸五年十月漢王用留侯陳平
計追項羽十二月滅楚垓下還至定陶二月卽位此
高帝旣敗彭城復圍項羽終於滅楚首尾三年之所

大事記解題

卷九

五

歷也

春正月遂立齊王信爲楚王

解題曰合曰楚地已定義帝亡後欲存卹楚衆以定
其主齊王信習楚風俗更立爲楚王

二月甲午卽皇帝位于定陶汜水之陽

解題曰諸侯上疏曰楚王韓信韓王信淮南王英布
梁王彭越故衡山王吳芮趙王張耳燕王臧荼昧死
再拜言大王陛下先時秦爲亡道天下誅之大王先

定關中於天下功最多又加惠諸侯王使得立社稷
功德之盛著於後世敢昧死再拜上皇帝尊號

封故衡山王吳芮爲長沙王故粵王亡諸爲閩粵王

解題曰衡山王芮誅秦有功以長沙豫章象郡桂林
南海立芮爲長沙王是時豫章屬黥布象郡桂林南
海皆屬趙佗芮之所有者獨長沙耳無諸與粵東海
王搖從諸侯滅秦項羽主命不王也以故不佐楚漢
擊項籍亡諸搖帥粵人佐漢至是復立無諸爲閩粵

大事記解題

卷九

六

王王闡中故地都治

顏師古曰治卽
侯官縣是也

獨搖未封

帝西都洛陽

解題曰按史記本紀高祖欲長都洛陽齊人劉敬說

及甌侯勸上久都關中

夏五月兵皆罷歸家

解題曰自屯衛之外各還農畝也

復諸侯子在關中者十二歲

解題曰卽漢二年集櫟陽爲衛者也詔曰諸侯子在

關中者復之十二歲其歸者半之又曰諸侯子及從軍歸者甚多高爵然則諸侯子爲衛意者亦有更代矣

民聚保山澤者令各歸其縣復故爵田宅

解題曰詔曰民前或相聚保山澤不書名數

顏師古曰名數

謂戶籍也

今天下已定令各歸其縣復故爵田宅

故爵秦所賜爵

也

吏以文法敷訓辨告勿笞辱

文法謂逃亡不書名數之罪

此還

定安集之大政也

大事記解題

卷九

七

自賣爲人奴婢者免爲庶人

解題曰詔曰民以饑餓自賣爲人奴婢者皆免爲庶

人古者良賤有定品良者世爲良賤者世爲賤以饑

餓自賣者本良人也旣非氣類之本卑又非刑辟之

收坐不幸兵荒而陷身于此遂將爲百世賤人戶此

責者其誰乎高帝之詔可謂真知作民主之職矣

詔守尉長吏善遇高爵

解題曰詔曰軍吏卒會赦

以罪降爵遇赦未復者也

其亡罪而亡

爵未有及不滿大夫者雖有爵而未至大夫者大夫第五爵也皆賜爵

為大夫故大夫以上賜爵各一級如本爵已至大夫則選一級為官大

夫木爵已至官大夫其七大夫以上皆合食邑顏師古曰

選一級為公大夫也爵第七故謂之七大夫臣瓚曰秦制列侯乃得食邑今七大夫以上皆食邑所以寵之也

非七大夫以下皆復其身及戶勿事又詔曰七大

夫公乘以上皆高爵也諸侯子及從軍歸者甚多高

爵吾數詔吏先與田宅及所當求於吏者亟與爵或

人君上所尊禮久立吏前曾不為決甚亡謂也異曰

大事記解題 卷九

秦民爵公大夫以上令丞與充禮今吾於爵非輕也

吏獨安取此且法以有功勞行田宅今小吏未嘗從

軍者多滿而有功者顧不得背公立私守尉長吏教

訓甚不善顏師古曰長吏謂縣之令長其令諸吏善遇高爵稱吾

意且廉問有不如吾詔者以重論之時兵皆罷還家

故有是詔

置酒雒陽南宮

解題曰臯陶之諫謨曰在知人在安民高帝論得天

下之由獨以用三傑自許而自起豐沛以來與民休
息之志貫于幽明其大略可謂合矣史記正義曰括
地志云南宮在雒州雒陽縣東北二十六里洛陽故
城中輿地志云秦時已有南北宮以此考之秦雖都
關中猶倣周東都之制建宮闕於洛陽高帝之西洛
陽名爲郡而終西京之世實以爲別都趙涉勸周亞
夫出武關抵雒陽直入武庫擊鳴鼓霍光以丞相車
千秋子爲雒陽武庫令更始自洛陽而西初發李松

大事記解題

卷九

九

奉引馬驚奔觸北宮鐵柱門光武降朱鮪人洛陽幸
南宮却非殿遂定都然則自高帝迄于王莽洛陽南
北宮武庫皆未嘗廢周公卜宅之意固非後世所能
喻至於天下之形勢則始皇李斯高帝張良蓋深識
之矣

召故齊王田橫未至雒陽三十里自殺

解題曰彭越旣受漢封橫入海居島中高帝遣使召
之詔衛尉酈商曰齊王橫卽至人馬從者敢動搖者

致族夷

是時兵皆罷歸家唯屯衛在洛陽衛尉掌宮門衛屯兵

橫至戶鄉廡置

臣瓚曰案廡置謂置馬以傳驛者

自到致堂胡氏曰橫不肯北面漢

祖以同列爲王之故志亦壯矣然天下豈有俱王俱帝之理豈有四海無君之道呂政之時藏器以待可也胡亥之時合從而起可也至漢祖出可以委質矣漢祖而不可事則誰可事者此所謂可以無死死傷勇者也

帝西都關中

大事記解題

卷九

十

解題曰莫敬建入關之策則是至言周公營洛邑有德則易以王無德則易以亡乃戰國陋儒之說而論周秦形勢初未嘗考也豐鎬本文武成康之所都平王東遷始以封秦耳敬所談秦之形勢乃周之形勢也秦漢間人多不學但據目見言之東遷以前全盛之周則識之者鮮矣羣臣皆山東人爭言洛陽東有成臯西有穀澠倍河鄉伊洛其固亦足恃高帝獨非山東人乎與項羽富貴不歸故鄉之見異矣

六月大赦天下

解題曰正月之赦為項籍滅而下也六月之赦為定

都關中而下也

趙景王耳長沙文王芮皆薨

解題曰太史公序傳曰填趙塞常山以廣河內弱楚

權明漢王之信於天下作張耳陳餘列傳漢書贊曰

昔高祖定天下功臣異姓而王者八國張耳王吳芮

王長彭越王梁都定陶其境黥布王淮南都六其地

大事記解題 卷九

四郡臧荼王臚縮王燕與兩韓信韓王信初王潁

為韓國徙信都晉陽韓信初王齊後徙皆徼一時之

為楚王都下邳其境從陳以東傳侮權變以詐力成功咸得裂土南面稱孤見疑疆大懷

不自安事窮勢迫卒謀叛逆終於滅亡張耳以智全

至于亦失國唯吳芮之起不失正道故能傳號五世

以無嗣絕慶流支庶有以矣夫著于甲台而稱忠也

使樊噲以丞相將兵攻代

解題曰臧荼之餘黨尚在代地故假樊噲丞相之名

以討之至於七年使樊噲畱定代地則匈奴韓王信之餘寇耳

項籍故將利幾反帝自擊破之

解題曰按史記本紀利幾者項氏之將項氏敗利幾爲陳公楚縣令稱公不隨項羽亡降高祖侯之侯之潁川

高祖至雒陽舉通侯籍召之而利幾恐故反

後九月治長樂宮于長安

解題曰長安卽秦咸陽也按史記大事記高帝六年

大事記解題

卷九

七

更命咸陽曰長安然盧縮傳云縮封爲長安侯長安

故咸陽也則長安爲咸陽別名久矣是時高祖雖西

入關尙居櫟陽方營宮室於長安謀徙都也

漢太祖高皇帝六年冬十月令天下縣邑城

解題曰始皇并諸侯而墮壞城郭高祖定天下而令

縣邑城心量之廣狹世祚之短長於是可卜矣

十二月帝遊雲夢會諸侯于陳執楚王韓信是日赦天

下帝還至雒陽赦韓信封爲淮陰侯

解題曰按史記漢書會諸侯于陳楚王信迎卽因執之是日詔曰天下旣安豪傑有功者封侯新立未能盡圖其功身居軍九年或未習法令或以其故犯法大者死刑吾甚憐之其赦天下後十餘日封韓信爲淮陰侯

甲申始剖符封大功臣三十餘人爲徹侯

解題曰按本紀甲申始剖符

顏師古曰剖破也與其合符而分授之者也

曹參等爲通侯

孟康曰曹參位第二而表在首蕭何位第一而表在十二表以封前後故

大事記解題

卷九

十三

也至定十八侯位次乃以蕭何爲第一耳

史記留侯世家六年上旣封大

功臣二十餘人其餘日夜爭功不決未得行封

春正月丙午分楚地爲二國以淮東東陽障吳三郡五十三縣封從兄將軍賈爲荊王以淮西碭薛郟三郡三十六縣封弟文信君交爲楚王壬子以雲中鴈門代三郡封兄宜信侯喜爲代王以膠東膠西臨淄濟北博陽城陽六郡七十三縣封子肥爲齊王

解題曰按本紀詔曰齊古之建國也今爲郡縣其復

以爲諸侯

齊自五年徙韓信于楚未封諸侯

將軍劉賈數有大功及

擇寬惠修潔者王齊荆地春正月丙午韓王信等奏

請以故東陽郡鄆郡吳郡

文穎曰東陽今下邳也鄆郡徙丹陽也吳郡今會稽

也韋昭曰鄆郡今故鄆縣也縣郡徙丹陽轉以爲縣故謂之故鄆也師古曰鄆音章漢地理志下邳屬東海郡卽秦鄆郡鄆郡旣已封楚王交當是秦漢之間分割下邳爲東陽郡其詳不可考也鄆郡所治乃湖州長興縣故城在縣西南八十里今建康池徽宣太平廣德皆鄆郡之境也吳郡所治乃平江府今常秀抗越明台發溫處衢潤湖睦皆吳郡之境也五十三縣立劉賈爲荆王以

碭郡薛郡郟郡

文穎曰碭郡今梁國是也薛郡今魯國是也郟郡今東海是也碭郡所治

大事記解題

卷九

十四

乃單州碭山縣今應天興仁鄆濟單毫廣濟皆碭郡之境也薛郡所治乃兗州仙縣縣今兗海淮陽皆薛郡之境也郟郡所治乃海州東海縣秦分薛郡東海及旁郡地置郟郡如沂州之費縣淮陽軍之下邳縣皆其境也三十六縣立弟文信君交爲楚王壬子以雲中

鴈門代郡

雲州唐勝州單于大都護是也鴈門唐雲庭朔州是也代郡唐蔚州是也

五十

三縣立兄宜信侯喜

喜卽高帝兄仲也

爲代王

史記本紀載喜爲代王于

七年漢興以來諸侯年表雖書喜元年于六年與漢書同然謂韓王信降匈奴而喜繼王其地二者皆非也漢書本紀年表載封拜年月日郡名縣數皆具蓋政府之所藏也况喜所王者雲中雁門代三郡信所主者太原一郡自不相干史記之誤明矣然所以差誤者亦有論焉高帝更以太原郡爲韓國徙信以備

胡都晉陽信上書曰國被邊甸奴數入晉陽去塞遠
請治馬邑上許之馬邑據地理志屬代郡在高帝時
或屬太原亦未可知也至高帝十一年封文帝為代
王虜取山南太原之地以益屬代是割韓王信之故
地以增益代國也自後世觀之韓之都固非代之縣
代之地乃涉韓之境子長不深考遂誤以代之新封
為韓之舊疆也子長論輿地之大勢封建之深意固
非孟堅所及至於綜練故實考核歲月則又孟堅所
長也

以膠東膠西臨淄濟北博陽城陽

按膠東所治乃登萊郡即墨縣

膠西所治乃密州高密縣臨淄所治乃青州臨淄縣
濟北博陽郡治未見項羽立田安為濟北王治博陽
今分爲兩郡蓋在田榮并三齊之後城陽所治乃密
州莒縣今登萊沂密濰青淄濱滄棣濟德博皆六郡

之境也 七十三縣立子肥為齊王

大事記解題 卷九

五

以曹參為齊相國

解題曰按本傳高祖以長子肥為齊王庶長子也而
以參為相國參之相齊齊七十城天下初定悼惠王
富於春秋參盡召長老諸先生問所以安集百姓而
齊故諸儒以百數言人人殊參未知所定聞膠西有
蓋公善治黃老言使人厚幣請之既見蓋公蓋公為
言治道貴清靜而民自定推此類具言之參於是避
正堂舍蓋公焉其治要用黃老術故稱齊九年齊國

安集大稱賢相參入相漢屬其後相曰以齊獄市爲
寄慎勿擾也後相曰治無大於此者乎參曰不然夫
獄市者所以并容也今君擾之姦人安所容乎吾是
以先之

徙韓王信國於太原

解題曰以太原郡三十一縣爲韓國徙韓王信都之
封雍齒爲什方侯

解題曰蘇林曰什方漢中縣也師古曰地理志屬廣

大事記解題

卷九

六

漢非漢中也按唐志什方縣屬漢中

定功行封

解題曰按史記本紀以劉賈爲荆王弟交爲楚王子
肥爲齊王乃論功與諸列侯剖符行封至是始徧封
功臣也

又作元功十八人位次

解題曰鄼侯蕭何第一平陽侯曹參第二宣平侯張

敖第三

張敖以高帝九年廢王爲侯蓋今年有詔作
元功十八人位次之定乃在九年以後也顏

師古曰張敖無大功以魯元之故呂后曲升之也

絳侯周勃第四舞陽侯樊

噲第五曲周侯酈商第六魯侯奚涓第七汝陰侯夏

侯嬰第八潁陰侯灌嬰第九陽陵侯傅寬第十信武

侯靳歙第十一安國侯王陵第十二棘蒲侯陳武第

十三清河侯王吸第十四廣平侯薛歐第十五汾陰

侯周昌第十六陽都侯丁復第十七曲成侯蟲達第

十八高后二年詔丞相陳平盡差列侯之功錄第下

竟藏諸宗廟副在有司然則自十九以下皆平所定

大事記解題

卷九

七

也平之第在四十七其自處固善而留侯之第尚在

六十二何耶蓋平以智自將固不與功臣爭先若留

侯澹然事外雖序曲逆之前亦所不願也高帝素諒

其雅意在當時先後必略有定次至高后世特因其

舊耳

長樂宮成始用新儀以叔孫通爲奉常

解題曰長樂宮成諸侯羣臣皆朝儀先平明謁者治

禮引以次入殿門廷中陳車騎步卒衛宮

按百官表云屯騎校

尉掌騎士步兵校尉掌上林苑門屯兵虎賁校尉
掌輕車然則延中所陳車騎步卒皆屬北軍也 設

兵張旗志傳曰趨師古曰傳聲教入者皆 殿下郎中
令趨謂疾行爲敬也

夾陛陛數百人郎中令所掌也師古曰夾 功臣列侯
其兩旁每陛皆數百人也

諸將軍軍吏以次陳西方東鄉文官丞相以下陳東

方西鄉此文武兩班分班之時也 大行設九賓臚句

傳大行卽典客也史記據作書之時稱之耳韋昭曰

大行掌賓客之禮九賓則周禮九儀也謂公侯伯

子男孤卿大夫士也後漢上陵儀大鴻臚設九賓隨

立寢殿前薛綜曰九賓謂子侯公卿二千石六百石

下及郎吏匈奴侍子凡九等然則九賓者九等立班

之儀也蘇林曰上傳語告下爲臚下告上爲句也

大事記解題 卷九

於是皇帝輦出房百官執職傳警按輿服志云殿周

皇去轎而輿至尊也漢書執職作執戟當從史記蓋

左右侍衛之百官各執其物所謂執職也索隱曰漢

儀云帝輦動則左右侍幃 引諸侯王以下上文功臣

輓者稱警所謂傳警也 陳西方丞相以下陳東方不言諸侯王所立之方蓋

引班先舉後尊至大行設九賓之時諸侯王始入也

朝賀則先尊後卑故此引諸侯王 至吏六百石六百

以下吏六百石以次奉賀也 下不預朝賀若今通直 郎以上始預朝會也 以次奉賀自諸侯王以下莫

不震恐肅敬至禮畢復置酒蘇林曰常會須天子

矣法酒謂 諸侍坐殿上皆伏抑首以尊卑次起上壽

以禮飲也

觴九行

後漢歲首大朝賀儀三公奉壁上殿向御坐北面太常贊曰皇帝爲君興三公伏皇帝坐

乃進璧二千石以上上殿稱萬歲舉觴御座前司空奉羹大司農奉飯奏食奉之樂百官受賜宴饗大作樂後漢先上壽次賜酒與叔孫通儀不同

謁者言罷酒御史執法舉不如

儀者輒引去

戰國策曰御史在前執法在後

竟朝置酒無敢謹譁失

禮者拜通爲奉常賜金百斤通因進曰諸弟子儒生隨臣久矣與共爲儀願陛下官之高帝悉以爲郎通出皆以五百金賜諸生諸生乃喜曰叔孫生聖人知當世務九年徙爲太子太傅孝惠卽位乃謂通曰

大事記解題

卷九

十九

先帝園陵寢廟羣臣莫習徙通爲奉常定宗廟儀法乃稍定漢諸儀法諸儀法皆通所論著也

命蕭何次律令韓信申軍法張蒼定章程

解題曰按本紀天下既定命蕭何次律令韓信申軍法張蒼定章程叔孫通制禮儀今并載於叔孫通朝儀之後是時韓信以列侯奉朝請張蒼以主計居相府也前漢刑法志曰高祖初入關約法三章其後四夷未附兵革未息三章之法不足以禦姦於是相國

蕭何摭摭秦法取其宜於時者作律九章晉刑法志

曰漢承秦制蕭何定律蓋事律興廡戶二篇合為九

篇興律廡律戶律三篇總謂之事律叔孫通益律所不及傍車十八

篇此蕭何次律令之大略也漢藝文志軍禮司馬法

百五十五篇意者韓信之所申與律厯志曰漢興北

平侯張蒼首律厯事方網紀大基龔秦正朔用蒼言

用顛頊厯比於六厯疏閭中最高為微近而朔晦月見

一弦望滿虧多非是史記歷書曰幽厲之後周室微陪臣執政史不記時君不告朔故時

大事記解題 卷九

三

人之子弟分散戰國獨有周行明於五德之傳而散

消息之分以顯諸侯秦自以為獲水德之瑞而正以

十月色尚黑然歷度閏餘未能睹其真也高祖亦自

以為獲水德之瑞雖明習歷及張蒼等咸以為然

如淳曰章厯數之章術章問法也程者權衡斗桶丈尺之

法式皆起于黃鐘之律權衡本起於黃鐘之重斗斛本起於黃鐘之龠丈尺本起於黃鐘之長

帝北征韓王信於銅鞮信走匈奴遂征匈奴至平城為匈奴所圍七日用陳平計得出

解題曰按列傳昌頓佯敗走引漢兵高帝欲擊之御

史成諫曰不可夫匈奴獸聚而鳥散從之如搏景今

以陛下盛德攻匈奴臣竊危之高帝不聽於是漢悉
兵多步兵三十二萬北遂之高帝先至平城上白登

師古曰在平城東山上去年城十餘里今其處猶存步兵未盡到冒頓圍高帝

於白登七日西方盡白東方盡隴北方盡驪南方盡

騂馬用中軍中尉陳平奇計使單于闕氏解圍其計

秘世莫得聞師古曰事其醜惡故不傳平言於上曰胡者全兵李奇

曰言唯弓矛無雜使也請令彊弩傳兩矢外鄉徐行出圍入平

城天下歌之曰平城之下亦誠苦七日不食不能殼

大事記解題

卷九

五

弩平城漢晉屬鴈門郡後魏道武都平城置司州代

尹孝文遷都洛陽改代尹曰萬年尹後周改曰雲中

縣隋開皇初改曰雲內屬馬邑郡唐貞觀十四年以

爲雲州天寶元年改爲雲中郡

春合郎中有罪耐以上請之民產子復勿事二歲

解題曰童宿衛毓生齒也應劭曰輕罪不至於髡完

其形髮故曰耐古耐字從彡髮膚之意也杜林以爲

法度之字皆從寸後改如是言耐罪已上皆當先請

也耐音若能如淳曰耐猶任也任其事也師古曰依應氏之說彤當音耐如氏之解則音乃代反義亦兩通功臣侯表宣曲侯通彤爲鬼耕則應氏之說斯爲長矣勿事不役使也

二月帝至長安遂定都丞相以下自櫟陽徙治長安

解題曰帝自雒陽竟之長安定都丞相以下與居謂百司皆自櫟陽來徙治也

治未央宮立東闕北闕前殿武庫太倉

大事記解題

卷九

三

解題曰按史記長樂宮成自櫟陽徙長安是遷都之

始天子居長樂宮也及未央宮成則遂爲天子之常

居而長樂則太后多處之師古曰未央宮雖南嚮而

上書奏事謁見之徒皆詣北闕公車司馬亦在北焉

是則以北闕爲正門而又有東門東闕至於西南兩

面無門闕矣蓋蕭何初立未央宮以厭勝之術理宜

然乎水經注渭水逕長安城北又東合昆明故渠故

渠東逕未央宮北蕭何斬龍首山而營之山長六十

餘里頭於渭尾達樊川頭高二十丈尾漸下高五六丈土色赤而堅北有元武闕卽北闕也東有蒼龍闕闕內有間闔止車諸門未央宮東有宣室玉堂麒麟舍章白虎鳳凰朱雀鸞鸞昭陽諸殿天祿石渠麒麟三閣未央宮北卽桂宮也周十餘里內有光明殿走狗臺蒼柏梁臺舊乘復道用相逕通故渠二宮之間謂之明渠明渠又東歷武庫北舊樛里子葬於此漢長樂宮在其東未央宮在其西武庫直其墓明渠又

大事記解題

卷九

五

東逕漢長樂宮北本秦之長樂宮也周二十里殿前列銅人殿西有長信長秋永壽永昌諸殿

置宗正官以序九族

解題曰宗正秦官高帝始復置之也本紀贊曰春秋晉史蔡墨有言陶唐氏既衰其後有劉累學擾龍事孔甲范氏其後也而大夫范宣子亦曰祖自虞以上爲陶唐氏在夏爲御龍氏在商爲豕韋氏在周爲唐杜氏晉主夏盟爲范氏范氏爲晉士師魯文公世奔

秦後歸于晉其處者爲劉氏劉向云戰國時劉氏自秦獲於魏秦滅魏遷大梁都于豐故周市說雍齒曰豐故梁徙也是以頌高祖云漢帝本系出自唐帝降及于周在秦作劉涉魏而東遂爲豐公豐公蓋太上皇父其遷曰淺墳墓在豐鮮焉此漢之族系

夏四月帝如洛陽

解題曰按本紀行如雒陽秦漢謂乘輿爲行如秦本紀行所幸有言其處者罪死是徑指乘輿爲行也

大事記解題

卷九

高

以陳豨爲趙相國監趙代邊兵

解題曰按盧縮傳上至平城還豨以郎中封爲列侯以趙相國將監趙代邊兵邊兵皆屬焉又高帝討豨之詔曰豨嘗爲我使甚有信代地吾所急故封豨爲列侯以相國守代然則高帝自平城還卽封豨爲列侯以趙相國監趙代兵守代以備匈奴也今載於平城還之年是時趙雖有舊相貫高趙午乃張耳故客非漢所置况豨本守代止借趙相國之名以鎮服趙

兵耳初不預趙國之政也其後漢命周昌爲趙相國則豨不與趙攻矣

漢太祖高皇帝八年冬帝東擊故韓王信餘寇於東垣還過趙趙相貫高謀爲逆不果

解題曰自雒陽往擊也東垣今眞定府眞定縣以建武侯靳歙爲車騎將軍

解題曰按本傳靳歙以騎都尉從擊代攻韓王信平一城下還軍東垣有功遷爲車騎將軍按後漢百官志

大事記解題

卷九

五

將軍不常置比公者四第一大將軍次驃騎將軍次

車騎將軍次衛將軍蔡質漢儀曰漢興置大將軍驃

騎位次丞相車騎衛將軍左右前後皆金紫位次上

卿典京師兵衛四夷屯警此雖多後世制然在高祖

世車騎將軍亦非列將軍比也觀歙以車騎將軍并

將梁趙齊燕楚車騎別擊陳豨丞相做則爲大將無

疑矣

十二月帝至自東垣

解題曰自東垣還長安也

復卒吏至平城者終身

解題曰按本紀令吏卒從軍至平城及守城邑者

如淳

曰平城左右諸城能堅守者也

皆復終身勿事高帝重酬平城之功

隋煬帝不行雁門之賞事同而報異此其興亡之判

與

令賈人毋得衣錦繡綺縠絺紵蜀操兵乘騎

解題曰顏師古曰賈人坐販賣者也綺文縉也卽今

大事記解題

卷九

三

一之細綾也絺細葛也紵織紵爲布及疏也蜀織毛若

今毼及毼毼之類操持也兵凡兵器也乘駕車也騎

單騎也叔向對韓宣子曰絳之富商韋藩木楛以過

於朝唯其功庸少也而能金玉其車文錯其服而無

尋尺之祿無大績於民政也

韋昭注曰富商之財足以金玉其車文錯其服

以無爵位故不得爲耳則上韋藩木楛是也

秦始皇并天下始重商賈烏

保以畜牧比封君與朝請蜀寡婦清擅丹穴之利以

爲貞婦而客之先王崇本抑末之意亡矣至是始復

舊制焉管子制國以爲二十一鄉工商之鄉六士鄉十五蓋三代兵出于農而工商不預焉雖霸者不敢改也高帝擊陳豨問豨將皆故賈人上曰吾知與之矣乃多以金購豨將豨將多降其有見於此乎
秋八月吏有罪未發覺者赦之

解題曰民庶及吏罪已發覺者不與

漢太祖高皇帝九年冬十月未央宮成淮南王英布梁王彭越趙王張敖楚王交及羣臣朝於未央宮置酒前

大事記解題

卷九

毛

殿帝奉玉卮爲太上皇壽

解題曰按本紀去年九月行自雒南至淮南王梁王

趙王楚王皆從卽今歲朝賀之諸侯也史記本紀曰

未央宮成高祖大朝諸侯羣臣置酒未央前殿高祖

奉玉卮起爲太上皇壽曰始大人常以臣無賴不能

治產業不如仲力今某之業所就孰與仲多殿上羣

臣皆呼萬歲大笑以爲樂將相年表大事記全載此

文

大事記置酒前殿下有太上皇輦上坐
六字孰與仲多下有太上皇笑四字

仲去年自

代王廢爲列侯奉朝請在京師是時固在坐也

年表合陽

侯喜孝惠二年
薨以子漢爲王

遣劉敬奉宗室女翁主名爲長翁主以妻匈奴單于

解題曰顏師古曰諸王女曰翁主者言其父自主婚

十二月徙楚昭氏屈氏景氏懷氏齊田氏及燕趙韓魏

強族於關中

解題曰虞書之序曰帝釐下土方設居方別生分類

作汨作九共九篇橐飲其書雖亡然一視同仁類族

大事記解題

卷九

天

辨物之意蓋可見矣秦始皇并六國徙天下豪強于

咸陽十二萬戶自以爲強幹弱枝而項梁田儋輩乃

出於所徙之外高祖劉敬又從而效之蓋不能以天

下爲一家中國爲一人其勢固至於此也顏師古曰

今高陵櫟陽諸田華陰好時諸景及三輔諸屈諸懷

尙多皆此時所徙

詔丙寅前殊死以下皆赦之

解題曰丙寅肆赦之日也丙寅以前若今降赦云昧

爽以前也按劉義叟長曆是歲十二月己巳朔二月
戊辰朔然則丙寅者正月二十八日也

以張敖故臣田叔孟舒等十人爲郡守諸侯相

解題曰按史記列傳叔喜劔學黃老術於樂巨公所

樂毅傳云樂氏之族有樂毅公樂巨公趙且爲秦所滅亡之齊高密樂巨公善修黃帝老子之言顯聞于齊稱賢師太史公曰樂巨公學黃帝老子其本師號曰河上丈人不知其所出河上丈人教安期生安期生教毛翁公毛翁公教樂毅公樂瑗公教樂巨公樂巨公教蓋公蓋公教于齊高密膠西爲曹相國師樂巨公一叔爲人刻廉自喜喜游諸公趙人舉之趙相作臣公

大事記解題 卷九

元

趙午午言之趙王王賢之未及遷會趙午等謀弑上

事覺漢下詔捕忠王○言有敢隨王者罪三族孟舒

田叔等自髡鉗爲奴隨王至長安後事明趙王得出

因言田叔孟舒等上召見悅之盡拜爲郡守諸侯相

罷渭南河上中地復隸內史

解題曰南河分渭南河上中地爲三郡至是定都關

中故復秦治合而爲一焉

以御史大夫周昌爲趙丞相

解題曰按本傳趙堯爲符璽御史趙人方與公

方與縣名

音房據此縣老人也

因謂御史大夫周昌曰君之史趙堯年雖

少然奇士君必異之是且代君之位昌笑曰堯年少
刀筆吏耳何至是乎居頃之堯侍高祖高祖獨心不
樂悲歌羣臣不知上所以然堯進請問曰陛下所爲
不樂非以趙王年少而戚夫人與呂后有隙備萬歲
之後而趙王不能自全乎高祖曰我私憂之不知所
出堯曰陛下獨爲趙王買貴彊相乃可高祖曰然吾

大事記解題

卷九

三

念之欲如是而羣臣誰可者堯曰御史大夫昌其人
堅忍伉直自呂后太子及大臣皆素嚴憚之獨昌可
高祖曰善於是召昌謂曰吾固欲煩公公彊爲我相
趙昌泣曰臣初起從陛下陛下獨奈何中道而棄之
於諸侯乎高祖曰我極知其左遷然吾私憂趙念非
公無可者公不得已彊行於是徙御史大夫昌爲趙
相 按盧縮傳陳豨少時常稱慕魏公子及將守邊招致賓客常告過趙賓客隨之者千餘乘邯鄲官舍皆滿豨所以待客如布衣交皆出客下趙相周昌乃求入見上具言豨賓客盛擅兵于外恐有變上令人

覆按豨客居代者諸爲不法事多連引豨豨恐陰令
客通使王黃曼邛臣所漢十年秋太上皇崩上因是
召豨豨稱疾遂與王黃等反據此則昌之
爲趙相在九年無疑史記年表所書是也 既行久之

高祖持御史大夫印弄之曰誰可以爲御史大夫者

熟視堯曰無以易堯遂拜堯爲御史大夫 史記漢書年表皆書

堯除目于十年今從之東坡蘇氏曰呂后殺趙王昌
亦無能爲特謝病不朝耳由此觀之堯特爲此計規
代昌耳安能爲高祖謀哉呂后怨堯爲此計亦抵堯
罪堯非特不能爲高祖謀其自爲謀亦不善矣昌謂

之刀筆史豈誣也哉

漢太祖高皇帝十年冬十月淮南王英布燕王盧綰荆

大事記解題 卷九

王賈梁王彭越楚王交齊王肥長沙王吳臣朝於長樂

宮

解題曰按年表是歲長沙成王吳臣之五年成者芮
之子也史記本紀今本臣誤作芮

夏五月太上皇崩於櫟陽宮秋七月癸卯葬太上皇於

萬年楚王梁王皆來送葬赦櫟陽囚

解題曰按通鑑考異漢書五月太上皇后崩七月癸

卯太上皇崩葬萬年荀紀五月無后字七月無崩字

蓋荀說之時漢書本尙未訛謬也顏師古曰三輔黃
圖云高帝初居櫟陽故太上皇因在櫟陽十年太上
皇崩葬其北原起萬年邑置長丞臣瓚曰萬年陵在
櫟陽縣界故特赦之

令諸侯王皆立太上皇廟于國都

解題曰蔡邕曰皇子封爲王者實古諸侯加號稱王
故云諸侯王封爲侯者則但謂之諸侯立太上皇廟
于國都者所以廣其敬也

大事記解題

卷九

五

詔縣道官獄疑者各讞所屬不能決者移廷尉廷尉不
能決者以聞

解題曰高祖約法三章請何定律九章其用刑亦明
慎矣迨至文帝專務以德化民黎民醇厚幾致刑措
其不能決而上之廷尉者蓋無幾矣廷尉所能斷者
旣下郡國論決其不能決而奏之天子者蓋絕無而
僅有矣體統旣明不待衡石程書齋居決事而天下
自無一夫之寃矣彼秦皇漢宣之流矜其小慧悉取

四方之奏讞而自治之有司拱手倚成于上積練充
宇豈區區兩目所能徧察哉

漢太祖高皇帝十一年冬十月帝在邯鄲大破陳豨軍
以周勃爲太尉定代地春正月淮陰侯韓信謀反長安
夷三族故韓王信與匈奴據參合樊噲柴武擊斬之帝
還雒陽

解題曰以史記漢書紀傳考之陳豨始與淮陰侯有
反謀後以招賓客爲周昌所按遂不自安而韓王信

大事記解題

卷九

三

又遣王黃等誘之

韓王信傳信爲匈奴將兵往
來鞏邊令王黃等說陳豨

遂反

於代地邯鄲以北皆陷于豨高祖旣駐蹕邯鄲以扼

之沛中故人任敖爲上黨守復堅守不下故豨不能

南今年冬羽檄所徵天下兵旣集車騎將軍靳歙并

將梁趙齊燕楚車騎擊豨所署丞相做破之遂降曲

逆

卽本紀所謂豨將侯做將萬餘人
游行王黃將騎千餘軍曲逆者也

豨將張春將卒

萬餘人渡河攻聊城

師古曰卽今
博州聊城縣

漢將軍郭蒙與齊

將擊大破之

張春旣犯齊地故
漢將助齊擊破之

太尉周勃取道太原

入定代地

據其腹心也

至馬邑馬邑不下攻殘之豨與韓

王信趙利軍於樓煩勃復擊破之

勃世家遷為太尉擊陳豨屠馬邑擊

韓信陳豨趙利軍于樓煩破之

豨復使利守東垣

合真定府真定縣春秋時屬鮮虞戰

國時屬趙秦時屬鉅鹿郡高帝置恒山郡後避文帝名改曰常山即周昌所奏常山二十五城亡其二十城者元鼎四年以為真定國東漢復併入于常山郡魏晉為郡治於今縣南元魏道武移郡治於北有淳水利者趙苗裔韓王信初反時立以為王者也故高

帝親擊之降其城更名東垣曰真定春正月淮陰侯

之謀泄誅於長安

太史公曰吾如淮陰淮陰人為余言韓信雖為布衣時其志與眾異

大事記解題

卷九

五

其母死貧無以葬然乃行營高做地令其旁可置萬家余視其母冢良然假合韓信學道謙讓不伐己功不矜其能則庶幾哉子漢家勳可以比周召太公之徒後世血食矣不務出此而天下已集乃謀畔逆夷滅宗族不亦宜乎韓王信引胡騎入居參合為豨應援為樊

噲柴武所屠

參合唐屬蔚州代郡之縣也韓王信云云十一年信復與胡騎入居參合漢使

柴將軍擊之柴將軍屠參合斬信本紀書柴武斬韓王信于參合樊噲傳擊陳豨遷為左丞相擊韓信軍參合軍所將卒斬韓信然則柴武者樊噲之偏裨也王黃等其麾下受購賞皆

生致之豨雖猶存然眾散援亡不日可擒故留周勃

樊噲定代地而帝班師還雒陽焉明年冬勃與噲斬

狶于靈邱

周勃世家復擊狶靈邱破之斬狶史記盧綰傳十二年冬樊噲軍卒追斬狶于靈邱

蓋樊噲是時又屬周勃也太史公口韓信庸將非素積德累善之世徵一時權變以詐力成功遭漢初定故得列地南面稱孤內見疑強大外倚蠻貊以為援是以日疏自危事窮智困卒赴匈奴豈不哀哉陳豨梁人其少時數稱慕魏公子及將軍守邊招致賓客而下士名聲過實周昌疑之疵瑕頗起懼禍及身邪人進說遂陷無道於嚴悲夫夫計之生熟成敗于人也深矣

封子恒為代王頗取山南太原之地益屬代代之雲中以西為雲中郡

解題曰按本紀詔曰代地居常山之北與夷狄邊趙

大事記解題

卷九

五

乃從山南有之遠數有邊寇難以為國頗取山南太

原之地益屬代

師古曰少割以益之不盡取也

代之雲中以西為雲

中郡則代受邊寇益少矣王相國通侯吏二千石

相國上通侯在吏二千石上漢之班序如此

擇可立為代王者燕王綰相

國何等三十三人皆曰子恒賢知溫良請立以為代

王都晉陽

如淳曰文紀言都中都又文帝過太原復晉陽中都二歲似遷都于中都也

史

記書分趙山北立子恒以為代王子長少游四方識

輿地之大勢故其書法簡明得主名山川之餘意如

此類非一漢書多改之蓋班氏所未達也

如漢二年書置隴西

地上郡渭南河上申地郡關外置河南郡六年書封韓信為淮陰侯分其地為二國將軍劉賈數有功以為荆王王淮東弟文為楚王王淮西則函谷之內外淮水之東西居然可見秦漢之間稱

山北山南山東山西者皆指太行

禹貢曰太行恒山至於碣石入于海

孔安國注此二山連延東北接碣石而入滄海地理志太行山在河內山陽縣西北恒山在常山曲陽縣西北高帝詔云代地居常山之北與夷狄邊乃從山南有之則謂太行之南北也范增說項羽曰沛公居山東時貪于財貨蓋指未入關之時謂太行以東也趙充國傳贊曰山西天水隴西安定北地處勢趨近羌胡謂太行以西也太行在漢屬河內郡堃王山陽之間在今

大事記解題

卷九

誤

屬懷州在天下之中

史記貨殖傳云三河在天下之中

故指此山以

表地勢焉

二月立郡國朝獻賦法

解題曰按本紀詔曰欲省賦甚今獻未有程吏或多

賦以為獻

謂郡及列侯

而諸侯王尤多民疾之

師古曰諸侯王賦其

國中以為獻物又多於郡

合諸侯王通侯當以十月朝獻及郡各

以其口數率

郡亦十月朝獻故令郡及諸侯王皆以其口數率戶口多者獻亦多戶口少者

獻亦少

人歲六十三錢以給獻費

